

四庫全書存目叢書編纂委員會編

齊魯書社

四庫全書存目叢書

子部
第一六一冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EP367/085

四庫全書存目叢書·子部一六一

(大陸版，限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精業印務有限公司印製

787×1092 毫米 16 開本 46.625 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第一六一冊目次

子部·雜家類

子苑一百卷(二)

不著撰者
北京圖書館藏明鈔本

.....

子苑一百卷(二)

不著撰者

北京圖書館藏明鈔本

附《四庫全書總目·子苑一百

卷》提要

子苑卷之四十七

政治

陽子居見老聃曰有人於此嚮疾疆梁物徹疏明李道不勸如是者可比明王乎老聃曰是於聖人也胥易技係勞形怵心者也且也虎豹之文未田獵狙之便執殽之拘來藉如是者可比明王乎陽子居蹙然曰敢問明王之治老聃曰明王之治功蓋天下而似不自已化貸萬物而民弗恃有莫卒名使物自喜立乎不測而遊於無有者也南華

崔瞿問於老聃曰不治天下安臧人心老聃曰汝慎無撓人心人心排下而進上：下因殺淖約柔乎剛強廉剝彫琢其

卷之四十七

熱焦火其寒凝冰其疾俛仰之間而再撫四海之外其居也淵而靜其動也縣而天儼驕而不可係者其唯人心乎昔者黃帝始以仁義撓人之心堯舜於是乎敗無肢胫無毛以養天下之形愁其五藏以為五義矜其血氣以規法度然猶有不勝也堯於是放驩兜於崇山投三苗於三峽流共工於幽都此不勝天下也夫施及三年而天下大駭矣下有桀跖上有曾史而儒墨畢起於是乎喜怒相疑愚知相欺善否相非誣信相訕而天下衰矣大德不同而性命爛漫矣天下好知而百姓求竭矣於是乎鉏鋸制焉繩墨殺焉推鑿決焉天下脊：大亂罪在撓人心故賢者伏處大山嵒巖之下而萬乘

之君憂懷乎廟堂之上今世殊死者相枕也衿楊者相推也刑戮者相望也而儒墨乃始離跂攘臂乎桎梏之間意甚矣矣其無愧而不知恥也甚矣吾未知聖知之不為衿楊接摺也仁義之不為桎梏繫柙也焉知曾史之不為桎梏蹻蹻矢也故曰絕聖棄知而天下大治南華

子貢以孔子聲見老聃老聃方將偃堂而應徵曰予年運而往矣子將何以戒我乎子貢曰夫三王五帝之治天下不同其係名聲一也而先生獨以為非聖人如何哉老聃曰小子少進子何以謂不同對曰堯授舜授禹用力而湯用兵文王順紂而不敢逆武王逆紂而不肯順故曰不同老聃曰

卷之四十七

三

小子少進余語女三王五帝之治天下黃帝之治天使民心一民有其親死不哭而民不非也堯之治天下使民心親民有為其親殺其殺而民不非也舜之治天下使民心競民孕婦十月生子生五月而能言不至乎孩而始誰則人始有夫矣禹之治天下使民心變人有心而兵有順殺盜非殺人自為種而天下耳是以天下大駭儒墨皆起其作始有倫而今乎婦女何言哉余女三王五帝之治天下名曰治之而亂莫甚焉三王之知上恃日月之明下睨山川之精中墮四時之施其知惜於蠶蠶之尾鮮規之獸莫得安其性命之情者而猶自以為聖人不可恥乎其無恥也子貢變然立而不

安南華

卷之四十七

三

相矩季於老聃曰請之天下遊老聃曰已矣天下猶是也又請之老聃曰汝將何始曰始於齊至齊見魯人焉推而強之解朝服而慕之號天而哭之曰子乎子乎天下有大害子獨先離之曰莫為盜莫為殺人榮辱立然後觀所病貨財聚然後觀所爭今立人之所病聚人之所爭窮困人之身使無休時欲無至此得乎古之君人者以得為在民以失為在己以正為在民以枉為在己故一形有失其形者退而自責今則不然匿為物而愚不識大為難而罪不敢重為任而罰不勝遠其塗而誅不至民知力竭則以偽繼之日出多偽士民安取不偽夫力不足則偽知不足則欺財不足則盜竊之行於誰責而可乎南華

聖人之治天下不我賢愚故因人之賢而賢之因人之愚而愚之不我是非故因事之事而是之因事之非而非之知古今之大同故或先古或先今知內外之大同故或先內或先外天下之物無得以累之故本之以謙天下之物無得以外之故舍之以虛天下之物無得以難之故行之以易天下之物無得以室之故變之以權以此中天下可以制礼以此和天下可以作樂以此公天下可以理財以此周天下可以禦侮以此因天下可以立法以此觀天下可以制器聖人不以

一已治天下而以天下治天下：歸功於聖人：任功於天下所以堯舜禹湯之治天下皆曰自然閑尸子
文子問曰為國亦有法乎老子曰今夫挽車者前呼邪呼後亦應之此挽車勸力之歎也雖鄭衛胡楚之音不若此之義也治國有禮在文辦法今茲彰盜賊多有文子

老子曰相坐之法立則百姓怨戾戾之令張則功臣叛故察於筆之迹者不治知亂之本習於行陣之事者不知廟戰之權聖人先福於重閑之內慮患於冥：之外愚者惑於小利而忘大害故事有利於小而害於大得於此而忘於彼故仁莫大於愛人知莫大於知人愛人既無怨刑知人即無亂

政文子

卷之四十七

四

老子曰人皆知治亂之機而莫知全生之具故聖人論世而為之事推事而為之謀聖人能陰能陽能柔能剛能弱能強隨時動靜因資而立功睹物往而知其反事一而察其變化則為之象運則為之應是以終身行之無所因故事或可言而不可行者或可行而不可言者取捨也可言而不可行者詐偽也易為而難成者事也難成而易敗者名也此四者聖人之所留心也明者之所獨見也文子

老子曰冬日之陽夏日之陰萬物歸之而莫之使極自然至精之感弗召自來不去而往窈冥：不知所為者而功自

成待目而照見待言而使命其於治難矣臯陶喑而為大理天下無虐刑何貴乎言者也師曠瞽而為太宰晉國無亂政何貴乎見者也不言之令不視之見聖人所以為師也民之化上不從其言從其所行故人君好勇弗使聞爭而國家多難其漸必有劫殺之亂矣人君好色弗使風謔而國家昏亂其積至於淫佚之難矣故聖人指誠別于內好憎明於外出言以副情發號以明旨是故刑罰不足以移風殺戮不足以禁奸唯神化為貴精至為神精之所動若春氣之生秋氣之殺故君子者其猶射者也於此毫末於彼尋丈矣故理人者慎所以感之文子

卷之四十七

五

老子曰懸法設賞而不能移風易俗者誠心不抱也故聽其音則知其風觀其樂即知其化夫抱真效誠者感動天地神諭方外令行禁止誠通其道而達其意雖無一言天下萬民禽獸鬼神與之變化故太上神化其次使不得為非其下賞賢而罰暴文子

老子曰上聖法天其次尚賢其下任臣任臣者危亡之道也尚賢者疑惑之原也法天者治天地之道也虛靜為主虛無不受靜無不持知虛靜之道乃能終始故聖人以靜為治以動為亂故曰勿撓勿纓萬物將自清勿驚勿駭萬物將自理是謂天道也文子

老子曰天子公侯以天下一國為家以萬物為蓄懷天下之大有萬物之多即氣實而志驕大者用兵侵小者倨傲凌下用心奢廣譬猶飄風暴雨不可長久是以聖人以道鎮之執一無為而不損冲氣見小守柔退而勿有法於江海不為故功名身化弗強故能成其王為天下北故能神不死自愛故能成其貴萬乘之勢以萬物為功名推任至重不可自輕自輕則功名不成夫道大以小而成多以少為主故聖人以道莅天下柔順微妙者見小也儉嗇損缺者見少也見小故能成其大見少故能成其美天之道抑高而衄下損有餘補不足江海處地之不足故天下歸之奉之聖人卑謙清

卷之四十七

七

靜辭讓者見下也虛心無有者見不足也見下故能致其高見不足故能成其賢矜者不立奢者不長強梁者死滿足者亡飄風暴雨不終日小谷不能須臾盈飄風暴雨行強梁之氣故不能久而滅小谷處強梁之地故不得不奪是以聖人執雌牝去奢驕不敢行強梁之氣執雌牝故能立其雄壯不敢奢驕故能長久矣子
老子曰原天命治心術理好憎適情性即治道通矣原天命即不惑禍福治心術即不妄喜怒哀理好憎即不貪無用適情性即歆不過節不惑禍福即動靜順理不妄喜怒哀即賞罰不阿不貪無用即不以不歆害性歆不過節即養生知足凡此四

者不求於外不假於人反已而得矣文子

文子問曰王者得其歡心為之奈何老子曰若江海即是也淡兮無味用之不既先小而後大夫歆上人者必以其言下之歆先人者必以其身後之天下必效其歡愛進其仁義而無苛氣居上而民不重居前而衆不害天下樂推而不厭雖絕國殊俗蜎飛蠕動莫不親愛無之而不通無往而不遂故為天子貴文子

老子曰執一世之法藉以非傳代之俗譬猶膠柱調瑟聖人者應時權變見形施宜世異而事變時移則俗易論世立法隨時奉事上古之王法度不同非故相反也時務異也是故

卷之四十七

七

不法其已成之法而法其所以為法者與化推移聖人之法可現也其所以作法不可原也其言可聽也其所以言不可形也三皇五帝輕天下細萬物齊死生同變化抱道推誠以鏡萬物之情上與道為友下與化為人今歆李其道不得其清明玄聖守其法籍行其憲令必不能以為治矣文子

老子曰天下是非無所定世各是其所善而非其所惡夫求異者非求道理也求合于己者也非去邪也去迕於心者今吾歆擇是而居之擇非而去之不知世所謂是非也故治大國若烹小鮮勿撓而已夫趣合者即言中而益親身踈而謀當即見疑今吾歆正身而待物何知世之所從規我見乎吾

若與俗違~~徒~~猶逃兩無之而不濡欲在于虛則不能虛若夫
不為虛而自虛者此所欲而無不致也故通於道者如車軸
不運於已而與轂致于千里轉于無窮之原也故聖人體道
反至不化以待化動而無為_{文子}

平王問文子曰吾聞子得道於老聃今賢人雖有道而遭淫
亂之世以一人之權而欲化久亂之民其庸能乎文子曰夫
道德者匡邪以為正振亂以為治化淫敗以為樸淳德復生
天下安寧要在一人主者民之師也上者下之儀也上美
之則下食之上有道德則下有仁義下有仁義則無淫亂之
世矣積德成王積~~成~~積石成山積水成海不積而能成

卷之四十七

八

者未之有也積道德者天與之地助之鬼神輔之鳳凰翔其
庭麒麟遊其郊蛟龍宿其沼故以道莅天下天下之德也無
道莅天下天下之賊也以一人與天下為讐雖欲長久不可
得也堯舜以是昌桀紂以是亡平王_人察人故聞命矣文子
老子曰天之所覆地之所載日月之所照形殊性異各有所
安樂所以為樂者乃所以為悲也安所以為安者乃所以為
危也故聖人之牧民也使各便其性安其居處其宜為其所
能周其所適施其所宜如此即萬物一齊無由相過天下之
物無貴無賤因其所貴而貴之物無不貴因其所賤而賤之
物無不賤故不尚賢者言不放魚於水不沈鳥於淵堯堯之

治天下也舜為司徒契為司馬禹為司空后稷為田疇奚仲
為工師其導民也水處者漁林處者採谷處者牧陵處者田
地宜其事宜其械宜其材阜澤織網陵坂耕田如是則
民得以而有易所有易所無以所工易所拙是以離叛者寡
聽從者衆若風之過蕭忽然而感之各以清濁應物莫不就
其所利避其所害是以隣國相望鷄犬之音相聞而足跡不
接於諸侯之境車軌不結於千里之外皆安其居也故亂國
若盛治國若虛亡國若不足存國若有餘虛者非無人也各
守其職也盛者非多人也皆微於末也有餘者非多財也欲
節而事寡也不足者非無化也民鮮而費多也故先王之法

卷之四十七

九

非所作也所因也其業謀非無所為也所守也上德之道也
_{文子}
老子曰以道治天下非易人性也因其所有而修之故因
即大作即小古之漬水者因水之流也生稼者因地之宜也
征伐者因民之欲也能因則無敵於天下矣物必有自然而
後人事有治也故先王之制法因民之性不可使順教有其
性無其資不可使遵道人之性有仁義之資其非聖人為之
法度不可無向方因其所惡以禁姦故刑罰不用威行如神
因其性即天下聽從拂其性即法度張而不用道德者則功
名之本也民之所懷也民懷之則功名立古之書為君者法

江海：無為以成其大，下以成其廣，故能長久為天下
谿谷其德，乃足無為，故能取百川不求，故能得不行，故能至
是以取天下而無事，不自貴，故富；不自見，故明；不自矜，故長
處不有之地，故有天下；王不爭，故莫能與之爭；終不為大，故
能成其大。江海近于道，故能長久；與天地相保，王道修，道則
功成不有：即強固：而不以暴人道深，即德深：即
即功名遂成，此謂玄德深矣，遠矣，其與物反矣。天下有始，莫
知其理，唯聖人能知，所以非雌非雄，非牝非牡，生而不死，天
地以成，陰陽以形，萬物以生，故陰與陽有圓有方，有短有長，
有存有亡，道為之命，幽沉而無事，於心甚微，於當甚當，死生

卷之四十七

十

同理萬物變化，合於一道，簡生忘死，何往不壽？去事與言慎，
無為也。守道周密，於物不宰，至微無形，天地之始，萬物同於
道，而殊形至微，無物故能周恤至大，無外故為萬物蓋至細，
無內故無萬物貴道以存，生德以安，形至道之度，去好去惡，
無有知，故易意和心，無以道迂夫天地專而為一分，而為二，
反而合之，上下不失專而為一分，而為五，反而合之，必中規，
矩，夫道至親，不可踈，至近，不可遠，求之遠者往，而復反之，子
老子曰：夫道者，體圓而法方，背陰而抱陽，左柔而右剛，履幽
而戴明，變化無常，得一之原以應無方，是謂神。天圓而無端，
故不得見其形；地方而無涯，故莫窺其門。天化遂無形狀，地

生而長，無計量，夫物有勝唯道無勝，所以無勝者以其無常，
形勢也。輪轉無窮，象日月之運行者，春秋之代謝，日月之晝
夜終而復始，明而復晦，制形而無形，故功可成，物而不物，
故勝而不屈。廟戰者，帝神化者，王廟戰者，法天道神化者，明
四時，修正於境內，而遠方懷德，制勝於未戰，而諸侯賓服也。
古之得道者，靜而法天地，動而順日月，喜怒合四時，號令比
雷霆，音氣不戾，八風詘申，不違五度，因民之欲，乘民之力，為
之去殘除害，夫同利者相死，同情者相成，同行者相助，循已
而動，天下為闢，故善用兵者，用其自為，用不能，用兵者，用其
為已用：其自為，用天下莫不可用：其為已用，無一人之

卷之四十七

十一

可用也。文子

老子曰：治身太上養神，其次養形，神清意平，百姓皆寧，養生
之本也。肥肌膚，充腹腸，供嗜欲，養生之末也。治國太上養化，
其次正法，民交讓，爭處卑財，利爭受，少事力，爭就勞，日化上
而遷善，不知其所以然，治之本也。利賞而勸，善畏刑而不敢
為，非法令正於上，百姓服于下，治之末也。上世養本而下世
事末。文子
老子曰：勝人者有力，自勝者強，能強者必用人力者，也能用
人力者，必得人心者，也能得人心者，必自得者也。未有得已
而失人者也，未有失已而得人者也。故為治之本，務在安人。

安人之本在於是用：之本在於不奪時不奪時之本在於省事：之本在於節用：之本在於去驕：之本在於虛無故知生之情者不務生之所無以為知命之情者不憂命之所無奈何目悅五色口惟滋味耳淫五聲七竅交爭以害一性日引邪欲竭其天和身且不能治奈治天下何所謂得天下者非謂其履勢位祿尊號言其運天下心得天下力也有南面之名無一人之害此失天下也故桀紂不為王湯武不為放故天子得道守在四夷天子失道守在諸侯諸侯得道守在四境諸侯失道守在左右故曰無恃其不吾奪也恃吾不可奪也行可奪之道而非纂弑之行無益于持

卷之四十七

七

天下矣 文子

老子曰陰陽陶冶萬物皆乘一炁而生上下離心炁乃上蒸君臣不和五穀不登春肅秋榮冬雷夏霜皆賊炁之所生也天地之間一人之身也六合之內一人之形也故明于性者天地不能曾也審於符者怪物不能惑也聖人由近以知遠以萬里為一同炁炁乎天地禮義廉恥不設萬民莫不相侵暴虐由在乎混冥之中也廉恥陵遲及至世之衰用多而財寡事力勞而養不足貧民苦而怨爭生是以貴仁人鄙不齊比周朋黨各推其與懷機械巧詐之心是以貴義男女群居雜而無別是以貴禮性命之情溢而相迫於不得已則不

和是以貴樂故仁義禮樂者所以救敗也非通治之道也誠能使神明定於天下而心及其初則民性善則天地陰陽從而包之則財足而人贖貪鄙怨爭之心不得生焉仁義不用而道德定於天下而民不滯於采色故德衰然後飾仁義和失然後諧聲禮淫然後飾容故知道德然後知仁義不足行也知仁義然後知禮樂不足修也 文子

卷之四十七

七

老子曰治世之職易守也其事易為也其禮易行也其責易償也是以人不兼官：不兼事士農工商鄉別州異故農與農言藏士與士言行工與工言巧商與商言數是以士無遺行工無苦事農無廢工商無折貨各安其性異形殊類易事而不悖失業而賤得志而貴夫先知遠見之人才之盛也而治世不以責於人博聞強志口辨辭給人知之益也而明主不求於下教世賤物不從俗流士之伉行也而治世不以為化民故高不可及者不以為人量行不可遠者不為國俗故人才不可專用而度量道術可世傳也故國治可與愚守也而軍旅可與法同也不待古之英雋而人自足者因其所有而並用之末世之法高為量而罪不及也重為任而罰不勝也危為其難而誅不敢也民困於三責即飾智而詐上犯邪而行危雖峻法嚴刑不能禁其姦猷窮即觸焉窮即啄人窮即詐此之謂也 文子

於鬼神即可以正治矣昔者三皇無制令而民從五帝有制令而無刑罰夏后氏不負言殷氏誓周人盟世末之衰也忍垢而輕辱貪得而寡羞故法度制令者論民俗而節緩急器械者因時變而制宜適夫制於法者不可與違奉拘札之人不可使應變必有獨見之明獨聞之聰然後能擅道而行夫知法之所由生者即應時而變不知治道之源者雖循終乱今為李者循先襲業握篇籍守文法欲以為治非此不治猶持方枘而內圓鑿也欲得宜適亦難矣夫存危治乱非智不能道先稱古雖愚有餘故不用之法聖人不行也不驗之言明主不聽也 文子

卷之四十七

十五

國產問何由得人俗醇樸亢倉子曰政煩苛則人姦偽政省則人醇樸夫人俗隨國政之方圓猶蠖屈之於葉也食黃則身黃食蒼則身蒼曰何為則人富亢倉子曰賦歛以時官上清約則人富賦歛無節官上奢縱則人貧 亢倉子
景公好婦人而丈夫飾者國人盡服之公使吏禁之曰女子而男子飾者裂其衣斷其帶相望而不止晏子見公曰寡人使吏禁女子而男子飾者裂其衣斷其帶相望而不止者何也對曰君使服之於內而禁之於外猶懸牛首於門而求買馬肉也公胡不使內勿服則外莫敢為也公曰善使內勿服不旋月而國莫之服也 說苑

齊人甚好穀擊相犯以為樂禁之不止晏子患之乃為新車良馬出與人相犯也曰穀擊者不祥臣其祭祀不順居處不敬乎下車棄而去之然後國人乃不為故曰禁之以制而身不先行也民不肯止故化其心莫若教也 說苑

景公問晏子曰謀必得事必成有術乎晏子對曰有公曰其術如何晏子曰謀度於義者必得事因于民者必成公曰奚謂也對曰其謀也左右無所繫上下無所靡其聲不悖其實不逆謀於上不違天謀于下不違民以此謀者必得矣事大則利厚事小則利薄稱事之小大權利之輕重國有義勞民有如利以此舉事者必成矣夫逃人而謀雖成不安傲民卒

卷之四十七

十六

事雖成不榮故臣聞義謀之法以民事之本也故及義而謀信民而動未聞不存者也昔三代之興也謀必度其義事必因于民及其衰也建謀不及義與事傷民故度義因民謀事之術也公曰寡人不敏聞善不行其危如何對曰上君全善其次出入焉其次結邪而羞問全善之君能制出入之君時問雖曰危尚可以沒身羞問之君不能保其身今君能危尚可沒其身也晏子

景公問於晏子曰古者離散其民而隕失其國者其常行何如晏子對曰國貧而好大智薄而好專貴賤無親焉大臣無礼焉尚諂諛而賤賢人樂簡慢而玩百姓國無常法民無經

紀好辯以為忠流瀟而忘國好兵而忘民肅於罪誅而慢于慶賞樂人之哀利人之難德不足以懷人政不足以惠人賞不足以勸善刑不足以防非亡國之行也今民間公令如寇

學此古離散其民隕失其國所常行者也晏子

晏子聘於魯、昭公問曰夫儼然辱臨敝邑竊甚嘉之寡人受貺請問安國衆民如何晏子對曰嬰聞傲大賤小則國危慢聽厚飲則民散事大養小安國之器也謹聽節儉衆民之行也晏子

景公問晏子曰昔吾先君桓公有管仲夷吾保乂齊國能遂武功而立文德紀合兄弟撫存盟州吳越受令荆楚懽慶與

卷之四十七

十九

不實服勤於周室天子加德先君昭功管子之力也今寡人亦欲存齊國之政於夫子、以佐佑寡人彰先君之功烈而繼管子之業晏子對曰昔吾先君桓公能任用賢國有什五治徧細民賞不侵賤富不傲貧功不遺罷佞不吐惡奉事不私聽獄不阿內妾無羨食外臣無羨祿鰥寡無飢色不以飲食之辟害民之財不以宮室之侈勞人之力節取於民而普施之府無施倉無粟上無驕行下無誼德是以管子能以齊國免於難而以吾先君恭乎天子今君欲彰先君之功烈而繼管子之業則無以多辟傷百姓無以嗜欲玩好怨諸侯臣敢不承善盡力以順君意今君疏遠賢人而任諛諛使

民若不勝簪歛若不得厚取於民而薄其施多求於諸侯而輕其礼府藏朽蠹而礼悖於諸侯菽粟藏深而怨積於百姓君臣交惡而政刑無常臣恐國之危失而公不得享也又惡能彰先君之功業而繼管子之業乎晏子

景公問晏子曰古之盛君其行如何晏子對曰薄于身而厚于民約於身而廣於世其處上也足明以政行教不以威天下其取財也惟有無均貧富不以養嗜欲誅不避貴富不遺賤不濫于樂不遁于哀盡智導民而不伐焉勞力歲事而不責焉為政尚相利故下不以相害行教尚相愛故民不以相惡為名刑罰中於法廢罪順於民是以賢者處上而不華不

卷之四十七

十九

肖者處下而不怨四海之內社稷之中粒食之民一意同歡若夫私家之政生有遺教此盛君之行也公不圖晏子曰臣聞問道者更正聞道者更容今君稅歛重故民心離市買悖故商旅絕玩好充故家貨殫積邪在於上蓄怨藏於民嗜欲倫於側毀非滿於國而公不圖公曰善于是令玩好不御公市不豫宮室不飾業土不成止役輕稅上下行之而百姓相親晏子

景公問晏子曰寡人持不仁其無義耳也不然北面與夫子而義晏子對曰嬰人臣也公曷為出君言公曰請終問天下之所以存亡晏子曰縵密不能麓直李者詘身無以用人而

又不為人用者卑善人不能戚惡人不能陳者危交游朋友從無以說於人又不能說人者窮事君要利大者不得小者不為者餒修道立義大不能專小不能附者滅此足以現存亡矣 晏子

景公問晏子曰賢君之治國若何晏子對曰其政任賢其行愛民其取下節其自養儉在上不犯下在治不傲窮從邪害民者有罪進善奉過者有賞其政刻上而饒下赦過而救窮不因喜以加賞不因怒以加罰不從欲以勞民不修怒而危國上無驕行下無諂德上無私義下無竊權上無朽蠹之藏下無凍餒之民不事驕行而尚司其民安樂而尚親賢君之

卷之四十七

二十

治國若此晏子

景公問晏子曰明王之教民若何晏子對曰明其教令而先之以行義養民不苛而防之以刑辟所求于下者不務于上所禁于民者不行于身守于民財無虧之以利立于儀法不犯之以邪苟所求于民不以身害之故下之勸從其教也稱事以任民中聽以禁邪不窮之以勞不害之以賞苟所禁于民不以事逆之故下不敢犯其上也古者百里而異習千里而殊俗故明王修道一民同俗上愛民為法下相親為義是以天下不相遺此明王教民之理也 晏子

景公問晏子廉政而長久其行何也晏子對曰其行水也美

其水乎清：其濁不無零迹其清無不洒除是以長久也公曰廉政而邀亡其行何也對曰其行石也堅我石乎落：視之則堅循之則堅內外皆堅無以為久是以邀亡也 晏子

景公問晏子曰國如何則可謂安矣晏子對曰下無諱言官無怨治通人不華窮民不怨喜樂無羨賞怨怒無羨刑上有禮於士下有恩於民地不博蕪小兵強不劫弱百姓內安其政外歸其義可謂安矣 晏子

景公登東門防民單服然後上公曰此大傷牛馬蹄矣夫何不下六尺我晏子對曰昔者吾先君桓公明君也而管仲賢相也夫以賢相佐明君而東門防全也古者不為殆有為也

卷之四十七

廿

蚤歲溜水至入廣門即下六尺耳鄉者防下六尺則無齊矣夫古之重變古常此之謂也 晏子

定公與齊侯會于夾谷孔子攝相事曰臣聞有文事者必有武備有武事者必有文備古者諸侯並出疆必具官以後請具左右司馬定公從之至會所為壇土階三等以遇禮相見揖讓而登獻酢既畢齊使萊人以兵鼓譟劫定公孔子厯階而進以公退曰士以兵之吾兩君為好裔夷之俘敢以兵亂非齊君所以命諸侯也裔不謀夏夷不亂華俘不干盟兵不逼好於神為不祥於德為僇義於人為失礼君必不然齊侯心忤麾而避之有頃齊奏宮中之樂俳優侏儒戲於前孔子

女可語王之道與曾子曰非敢以為足也請因所聞而李為
子曰居吾語女夫道者所以明道也德者所以導道也是以
非德道不導非道德不明雖有國之良馬不以其道服棄之
不可以取道里雖有博地衆民不以其道治之不可以致霸
王是故昔者明王內修七教外行三至七教修然後可以守
三至行然後可以征明王之道其守也則必折衝千里之外
其征也則必還師往席之上故曰內修七教而上不勞外行
三至而財不費此之謂明王之道也曾子曰不勞不費之謂
明王可得聞乎孔子曰昔者帝舜左禹而右皋陶不下帶而
天下治夫如此何上之勞乎政之不中君之患也令之不行

卷之四十七

苗

臣之罪也若乃十一而稅用民之力歲不過三日入山澤以
其時而無征閑譏市鄽皆不收賦此則生財之路而明王即
之何財之費乎曾子曰敢問七教孔子曰上敬老則下
益孝上尊齒則下益弟上樂施則下益寬上親賢則下擇友
上好德則下不隱上惡貪則下耻爭上廉讓則下恥節此之
謂七教七教者治民之本也政教定則本正矣凡上者民之
表也表正則何物不正是故人君先立仁於己然後大夫忠
而士信民敦俗樸男慤而女貞六者教之致也布諸天下四
方而不究納諸尋常之室而不塞等之以礼立之以義行之
以順則民之棄惡如湯之灌雪焉曾子曰道則至矣弟子不

卷之四十七

五

是以明之孔子曰參以為姑止乎文有焉昔者明王之治民
也法必裂地以封之分屬以理之然後賢民無所隱暴民無
所伏使有司日省而時考之進用賢良退賤不肖則賢者說
而不肖者惧哀鰥寡養孤獨恤貧窮誘孝弟選才能此七者
修則四海之內無刑民矣上之親下如手足之於腹心下之
親上如父子之於慈母矣上下相親如此故行則後施則行
民懷其德近者說服遠者來附政之致也夫布指知寸布手
知尺舒肘知尋斯不遠之則也周制三百步為里千步而井
三井而埒三而矩五十里而都封百里而有國乃為犗積
資聚焉恤行者有無是以蠻夷諸夏雖衣冠不同言語不合
莫不來賓故曰無市而民不乏無刑而民不乱田獵畢弋非
以盈宮室徵歛百姓非以盈府庫也慘怛以補不足礼節以
損有餘多信而寡貌其礼可守其言可復其跡可履如飢而
食如渴而飲民之信之如寒暑之必驗故視遠若近非道近
也見明德也是故兵革不動而威用利不施而親此之謂明
王之守折衝千里之外者也曾子曰敢問何謂三至孔子曰
至礼不讓而天下治至賞不費而天下士說至樂無聲而天
下民和明王篤行三至故天下之君可得而知天下之士可
得而臣天下之民可得而用曾子曰敢問此義何謂孔子曰
古者明王必盡知天下良士之名既知其名又知其實又知